

- Qui citius pereo, quam floris machina vanis¹?
 Ossa patrum fateor iam veste cutis spoliata,
 280 Quę loca brutorum fetore tegunt reprobata;
 Pulvis facta caro non est quod vixerat ante,
 Res² humana nec est nec forma colore probante.
 Si patris aut matris puer optet noscere mentum,
 Qui post tres menses petat ipsorum monumentum,
 285 Cęnum quod cernet dicet non esse parentum,
 Sed iurabit in hoc vixisse nichil luculentum.
 Membra videbit, nec dignabitur illa videre,
 Immo teget vultum, quod olet cupiens prohibere.
 Ergo miser quid ago? quid gloriior in levitate³?
 290 Cur mea membra tego varie vestis novitate?
 Vestis membra tegit, nec ob hanc scabiem caro linquit,
 Nec laudantur ob hanc, velut ipse Boetius inquit.
 Apposite vestes laudantur iure favoris,
 Putrida vero caro nichil in se servat honoris.
 295 Rebus ego vanis deceptus in orbe caduco,
 Ad nichilum corpus quod nil nequit esse reduco.
 Nam licet extinctum sinat hoc vitale levamen,
 Tandem iudicii cernet relevando notamen.
 Tunc quicquid fecit letum vel triste videbit,
 300 Et sine fine manens meritorum pignus habebit.
 Que vero merces hominum bona promeritorum,
 In solio vite salvabit quemque piorum.
 Immortalis honor, pax perpes, doxa perennis,
 Celica virtutum circumdabit agmina pennis.
 305 Gratia precedet, quę quemque beatificabit,
 Cuius honestatem bonitatis apex decorabit.
 Frigus, pena, fames, sitis et tormenta dolorum
 Cedent Christicolis prorsus super astra polorum.
 Christi militibus sua doxa⁴ quibusque placebit:
 310 Qui minus accipiet scio sufficienter habebit,
 Qui minus accipiet, non plura rogabit habere,
 Namque redemptorem poterit sine fine videre.
 Quid plus? os fari nec cor valet hoc meditari,
 Quod pietate Dei sanctis debet reparari.
 315 Sed meror, labor atque dolor, pondusque perenne,
 Sontes vexabit violenter in igne gehenne.
 Non illis⁵ planctus, gemitus, luctusque iuvabant,
 Quos tormentorum diversa pericla gravabunt.
 Hos sitis, hosque fames, hos serpens, hosve dracones,
 320 Hos calor, hos frigus, strepitus, hos condiciones
 Ledent atque prement, terrebunt, dente vorabunt.

1) So die Hss. 2) 'Rex' Clar. 3) Cod. Clar. p. 249. 4) 'dona'
 beide Hss. 5) So die Hss.